

Broj: 05-3051-5/20
Sarajevo, 06.08.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3), (4) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuka Komisije za javne nabavke iz Zapisnika o pregledu i ocjeni ponuda broj: 05-3051-4/20 (Lot 1), 05-3051-4-1/20 od 05.08.2020. godine, direktor Agencije za bankarstvo Federacije BiH donosi

ODLUKU
o izboru najpovoljnijeg ponuđača – Lot 1 i poništenju postupka – Lot 2 u postupku javne nabavke usluga

Član 1.

Prihvataju se preporuke Komisije za provođenje postupka javne nabavke usluga internet provajdera (ISP) za potrebe Agencije za bankarstvo Federacije BiH (broj i datum iz uvodnog dijela ovog akta) i ugovor za predmetnu nabavku u dijelu postupka koji se odnosi na Lot 1 dodjeljuje se privrednom subjektu „TEAM CONUSLTING“ d.o.o. Sarajevo. Dio postupka koji se odnosi na Lot 2 se poništava, obzirom da nijedna od zaprimljenih ponuda nije prihvatljiva za ugovorni organ.

Član 2.

Ukupna vrijednost ugovora za Lot 1 iz tačke I. ove odluke za period od jedne godine iznosi 3.960,00 KM, bez poreza na dodanu vrijednost (PDV).

Član 3.

Ova Odluka bit će objavljena na internetskoj stranici Agencije www.fba.ba, istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu s odredbom člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga, broj: 05-3051/20 od 22.07.2020. godine, odobreno je provođenje postupka javne nabavke usluga internet provajdera (ISP) za potrebe Agencije za bankarstvo Federacije BiH. Javna nabavka provedena je putem konkurentskog zahtjeva za dostavu ponuda, a kriterij za dodjelu ugovora je najniža cijena tehnički zadovoljavajuće ponude. U skladu s članom 35. Zakona o javnim nabavkama, Obavještenje o nabavci, broj: 3010-7-2-200-3-46/20, objavljeno je na Portalu javnih nabavki (ejn.gov.ba) 22.07.2020. godine.

Postupak nabavke podijeljen je na dva lota, ukupne procijenjene vrijednosti od 8.000,00 KM, bez poreza na dodanu vrijednost (PDV), odnosno 4.000,00 KM po svakom Lotu.

U skladu s Odlukom ugovornog organa, imenovana je Komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude. Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponuda – po lotovima, u kojima je utvrđeno da je broj ponuda pristiglih po lotovima slijedeći: a) Lot 1 – 4 (četiri) ponude i b) Lot 2 – 2 (dvije) ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja po lotovima, komisija je utvrdila da je ponuda ponuđača „TEAM CONSULTING“ d.o.o. Sarajevo prihvatljiva za ugovorni organ u dijelu postupka koji se odnosi na Lot 1, te je dala preporuku da se sa navedenim privrednim subjektom, saglasno članu 69. stav (1) tačka a) Zakona o javnim nabavkama, zaključi ugovor za nabavku predmetnih usluga.

U dijelu postupka koji se odnosi na Lot 2, komisija je dala preporuku da se, shodno odredbama člana 69. stav (2) tačka d) Zakona o javnim nabavkama, ovaj dio postupka javne nabavke poništi, obzirom da su ponude ponuđača „TEAM CONSULTING“ d.o.o. Sarajevo i „Mtel“ a.d. Banja Luka ocijenjene kao neprihvatljive za ugovorni organ.

Uvažavajući sve navedeno, primjenom člana 64. stav (1) tačka b), člana 70. stavovi (1), (3), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za javne nabavke, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



DIREKTOR
Jasmin Mahmuzić

Dostaviti:

1. Ponuđačima u postupku
2. Sektoru zajedničkih funkcija
3. a.a.

